


LOURDES, TE FAREREIRAA NO TE FAAITERAA PARAU



Ralph Teinaore participant à une table ronde réunissant des catholiques et un protestant. Photo : DEFAP

Au mois de novembre 1994 le pasteur Ralph Teinaore a participé à Lourdes (France) à un rassemblement catholique réunissant 6300 personnes envoyés par leur diocèse. Il faisaient partie de la délégation protestante invitée à apporter le témoignage des Eglises de tous les continents.

Durant trois jours témoins et délégués ont dialogués sur les questions de la mission aujourd'hui autour du thème "Si tu savais le don de Dieu" et à partir du texte de la Samaritaine. Ralph Teinaore explique ce que représente cette rencontre que les catholiques ont voulu oecuménique.

Ei omuaraa. I te avà Novema 1994, ua tupu na te tahi rururaa faufaa mau i te oire no Lourdes i te fenua Farani. E rururaa tei faatupu hia e te Etaretia Tatorita no Farani e te fā oia hoi o te feruri amuiraa ia i nia i te ohipa faaiteraa parau a te Atua i teie tau e no te mau tau e haere mai nei.

No taua tumu parau ra ua titau atoà te Etaretia Tatorita i te mau tiā no te Etaretia Porotetani no Farani ia tono atoà i te tahi mau taata ei amui atoà raa i roto i teie huru feruri raa parau. Na roto mai i te Defap te pū e haapāo nei i te ohipa mitiōnare a te mau Etaretia Poro-

tetani no Farani ua titau hia mai tatou e tono atoà i te tahi tiā no te fenua atu nei. Mea na roto i taua raveā ra i amui atoà ai to outou nei tavini i roto i teie nei farereiraa.

O Lourdes, e oire tui roo i roto i te aai no te faaroo Tatorita i te fenua Farani, e rave rahi to tatou mau taata i faaroo i te parau no teie oire e te mau ohipa atoà e tupu noa nei i reira mai te tau mai e tae roa mai i teie nei. O taua oire ra tei maitihia no te faatupu raa i teie rururaa. Te tumu no te mea o te vahine huru maitai aē ia no te farii raa i te nahoa rahi e 6 300 taata tei tapāo i to ratou ioā no te amui atu i roto i taua farereiraa ra.

FAREIREIRAA NO TE AHA.

Te tumu parau i maitihia mai no teie rururaa o te parau ia no te vahine Tamarā e to na fareiraa ia letu i pihaiho i te apoo pape ia au i te faatiā raa a loane papai evaneria. Oia hoi te tuhaa i na o mai e "Ahiri oe i ite".

Ua riro taua tumu parau ra mai te hoē irava auro tei apee noa i te mau taua parauraa atoà i taua na mahana tootoru ra. No te haafaufaa i te farereiraa e no te haferuri i te feia atoà i amui mai i Lourdes i te parau no te faaiteraa i te parau a te Atua i teie tau. Ia nehenehe atoà te nunaa faaroo ia ite faahou i te tuhaa ohipa tei pupu hia i roto i to ratou rima e te Fatu no te Etaretia, ia haapāo e ia faatupu i roto i teie nei ao.

Mai te farereiraa tei tupu na i mua ra i rotopu ia letu e te vahine Tamarā, e te mau haapiiraa faufaa roa i roa mai i te vahine Tamarā e ia tatou atoà, ia na reira atoà i te taima e hiō faahou ai te taotoā i te parau no te faauerā a letu "Ei ite outou noū e tae noa atu i te hopeā o teie nei ao". E ia apee atoà hia taua farereiraa ra i te autae raa e tano no te mau tamarā a te Atua, oia hoi i roto i te aroha, te faaoromai e te auraro raa te tahi i te tahi, noa atu te taaē raa no te tiauriraa, te mau peu e te huru o te taata. No te mea eiaha atoā tatou e manāo e e mea ohie ia faatupu i teie huru farereiraa e hau roa atu e ere atoā i te mea ohie i te haaparaparau raa i te taata ia tae i te taima mai teie te huru.

FAREIREIRAA NO TE OHIPA AMUI.

Oia mau, tei roto i te tiauriraa e ere faahou te ohipa faaiteraa i te parau a te Atua i te ohipa na te tahi noa pupu taata e tiā ra i te taotoā ia amui i roto i te poro haere raa i te Aroha Parautiā o te Atua. No reira i manāo hia ai e e mea maitai ia tahoē i te mau tiā no te faaroo porotetani i roto i teie rururaa.

E i roto i te taua parauraa tei tupu na ua itea maitai hia teie huru, na roto anei i te mau pupu e aore ia i roto i te mau faaitete raa tei faaineinehia. Aita e faataaēraa i tupu hia ua anaatae te taotoā raa i te faao i roto i te manāo hoē no te feruri amui raa i nia i te mau tumu parau tei faatā hia no te

hia te mau faanahora atoā tei faataahia no teie tapura ohipa. E hau roa atu oia hoi mea tano atoā ia faaineine maitaihia te mau taata tei pupu ia ratou no teie tuhaa ohipa. Eita e ore e o te reira ihoa te hinaaro o te Fatu i te titaaraa oia i ta na mau pipi e to na atoā haapiiraa ia ratou no te haapāo i ta na mau faauerā. E ere atoā i te mea ohie roa, e i muri aē i to na tifaahouraa ua ite tatou i te huru no te farereiraa i tupu i rotopu ia na e na pipi no Emauta. Ua haapii faahou hia teie na pipi no te mea aita i ravaī maitai to raua faaineineraa, e aita atoā te Fatu i hinaaro e ia haere noa raua ma te taa ore.

EI OPANIRAA

Te hapiiraa rahi i matara mai no roto i teie huru rururaa amui oia hoi, e ere mau a e ravaī noa ta tatou mau raveā e faaohipa nei no te faaiteraa i te parau a te Atua. Ua horoā mai te Atua ia tatou i te mau mauihā no te ohipa raa no na e no to na Hau i roto i teie nei ao. Teie ra e ui tatou ia tatou iho, e ua ravaī maitai anei hoi te mau raveā tei faaohipa hia e tatou. Aita anei hoi te tahi mau vahie e tiā ia faaravaihia, no te haamaitai ā i to tatou tavini raa i te Atua. E mau uiuiraa noa teie, tei haapapura e te farereiraa i tupu i Lourdes e ere ia te hopeā raa no ta tatou maimiraa, o te omuāraa no ra. E ua titau hia tatou e haere a i mua i roto i teie tuhaa ohipa, ia tupu mau te pure ta tatou e pure noa nei i te mau mahana atoā, "Ia tae mai to oe ra Hau".

RALPH TEINAORE

